



Broj: 01-6-04-6-8238-¹/₂₄
Sarajevo, 05.12.2024. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-12-2024

Organizaciona jedinica	Klasifikaciona oznaka	Redni broj	Broj priloga
02-	50-6-	16-15/	24

**DOM NARODA
PARLAMENTARNE SKUPŠTINE BiH**

PREDMET: Usmeno delegatsko pitanje, prijedlog odgovora, dostavlja se

U vezi akta Doma naroda Parlamentarne skupštine BiH, broj:02-50-6-16-15/24 od 14.11.2024.godine, u prilogu vam dostavljamo prijedlog odgovora na delegatsko pitanje, postavljeno u Domu naroda Parlamentarne skupštine Bosne i Hercegovine, od delegata Zlatka Miletića.

Odgovor dostavljamo u skladu sa nadležnostima Ministarstva sigurnosti BiH, a na osnovu člana 159. Poslovnika Doma naroda Parlamentarne skupštine BiH.

S poštovanjem,

Prilog:
-Prijedlog odgovora (7 str.),

Dostavljeno:
- Naslovu,
- a/a.





PRIJEDLOG

Broj: _____
Sarajevo, _____ godine

Zlatko Miletić, delegat u Domu naroda Parlamentarne skupštine Bosne i Hercegovine, postavio je dana 11.11.2024. godine, sljedeće poslaničko pitanje:

Imajući u vidu da sam u nekoliko zadnjih mjeseci primio nekoliko dopisa i informacija policijskih službenika Granične policije BiH, koji se odnose na zabrinjavajuće stanje u GP BiH, interesira me, da mi nadležni rukovoditelj odgovori preko nadležnog ministra Ministarstva sigurnosti BiH ;

1. Da li trenutno nedostaje više od 700 policijskih službenika u GP BiH i da li je tačna informacija, da u jednoj smjeni „zelenu granicu“ BiH pokriva svega 200 policajaca, koje su mjere poduzete da se riješi problem popune;
2. Da li su preduzete mjere za zaprečavanje mjesta za ilegalni prelazak (preko 240) granice BiH i koje;
3. Da ti je tačna informacija da se već nekoliko godina ne primjenjuje član 44. Zakona o policijskim službenicima i da se ne unaprjeđuju policajci koji su u radnom odnosu u više činove, posebno sa SSS (po zakonu 2/3), već se u čin mlađeg inspektora primaju policijski službenici samo, ekstro;
4. Da li je tačno da policijski službenici koji su presuđeni od strane Suda BiH za uzimanje novca za zapošljavanje i napređenje, slučaj „Raković, Sabljo i dr.“ i dalje rade i kako je moguće da nisu disciplinski kažnjeni i zašto, te da li je nastavljeno sa tom praksom samo od strane drugih pol.službenika;
5. Da li je tačna informacija da su 3 službenice/ka koji su raspakovali prvu aplikaciju SKAY 2019 g. koja se odnosi na kiminal u GP, mobingovane od strane bivšeg rukovodstva punih 5 godina, da su teško oboljele i zašto im nitko nije pružio pravnu i zdravstvenu zaštitu;
6. Da li je tačna informacija da su aktivnosti Centralnog istržnog ureda vrlo skromne i da su manje u 2023.g. za evidentirana KD 38%, a za podnesene izvještaje za 53% u odnosu za predhodni period, zašto je to tako i zašto duže vrijeme nema rukovoditelja odsjeka za istrage;
7. Da li je tačno da policajci GP BiH na pojedinim prelazima rade u potpuno nehumanim uvjetima kao npr. Šćepan Polje, kad će nadležne službe poduzeti mjere da se konačno riješe ova pitanja;
8. Da li će i kad rukovodstvo GP BiH potpisati Kolektivni ugovor sa Sindikatom GP s obzirom da se istim rješavaju i druga egzistencijalna pitanja koja se odnose na napređenje statusa službenika GP BiH ? "

Na postavljeno pitanje, ministar sigurnosti BiH, Nenad Nešić i direktor GP BiH Mirko Kuprešaković daju sljedeći pisani:

ODGOVOR

1. Osnovni problem GP BiH u izvršavanju zakonom propisanih nadležnosti i realizaciji svih planskih aktivnosti, uključujući i aktivnosti koje se odnose na obavljanje graničnih provjera na graničnim prelazima, mjere u nadzoru granice, te borbu protiv nezakonitih migracija i svih oblika prekograničnog kriminala, i dalje je kadrovska nepopunjenost skoro svih organizacionih jedinica, što otežava organizaciju rada i izvršavanje radnih procesa kako na graničnim prelazima, tako i u nadzoru državne granice. Također, posljednjih godina evidentan je trend povećanja broja nedostajućih policijskih službenika, a smanjenja broj dostavljenih aplikacija, odnosno broja lica koja se prijavljuju na oglase za prijem policijskih službenika u GP BiH.

Važećim Pravilnikom o unutrašnjoj organizaciji i sistematizaciji radnih mjesta, propisano je da Granična policija BiH u svom sastavu ima 2426 policijskih službenika. Međutim, zaključno sa 31.10.2024. godine, Granična policija BiH u svom sastavu ima 1709 policijskih službenika, odnosno nedostaje 717 policijskih službenika, što predstavlja nedostatak 30% ukupnog broja službenika predviđenih Pravilnikom.

Treba imati u vidu da broj propisanih radnih mjesta važećim Pravilnikom, kada bi se i popunio, ne bi bio nedovoljan za izvršavanje svih propisanih nadležnosti, pošto su se značajno izmijenile okolnosti nakon donošenja istog (2007. godine), kao što su otvaranje novih graničnih prelaza, značajno proširenje kapaciteta postojećih graničnih prelaza, izražen migrantski pritisak na granici Bosne i Hercegovine, povećana frekvencija lica i vozila preko graničnih prelaza, itd.

Kontinuirano prisutan nedostatak policijskih službenika značajno limitira kapacitete Granične policije BiH i za provođenje graničnih provjera i nadzora granice kao osnovnih aktivnosti za otkrivanje i sprečavanje nezakonitih migracija, krijumčarenja ljudi i drugih oblika prekograničnog kriminala, a što negativno utiče na efikasnost vršenja poslova granične kontrole i nivo granične sigurnosti. GP BiH s postojećim materijalno - tehničkim kapacitetima i trenutnim brojem službenika je maksimalno posvećena izvršavanju poslova iz nadležnosti s ciljem adekvatnog odgovora na složeno sigurnosno stanje na granici.

U cilju prevazilaženja navedenog problema kadrovske nepopunjenosti, GP BiH u okviru vlastitih kapaciteta i u saradnji sa drugim policijskim agencijama u BiH kontinuirano preduzima niz organizacionih mjera i aktivnosti, uključujući, između ostalih, i sljedeće mjere:

- Interne premještaje i vanredno angažovanje policijskih službenika GP BiH;
- Angažovanje policijskih službenika drugih policijskih agencija u Bosni i Hercegovini (Direkcija za koordinaciju policijskih tijela BiH, Državna agencija za istrage i zaštitu, MUP Republike Srpske, Policija Brčko Distrikta, jedan broj kantonalnih ministarstva unutrašnjih poslova) kao ispomoć GP BiH na poslovima nadzora državne granice;
- Planiranje i realizaciju konkretnih planskih aktivnosti, uključujući i operativne akcije;
- Pojačanu saradnju sa institucijama Bosne i Hercegovine, te institucijama drugih zemalja i međunarodnim organizacijama;
- Pojačano korištenje specijalističke opreme i dr.

Bitno je naglasiti, da je za 2025. godinu planiran prijem XII. klase kadeta (ukupno 142), koji su od 2.9.2024. godine na obuci u Agenciji za školovanje i stručno usavršavanje kadrova Mostar, tako da će se sa 1.3.2025. godine primiti u radni odnos 25 kadeta u činu mlađi inspektor, odnosno sa 1.6.2025. godine 117 kadeta u činu policajac, dok je u toku procedura odabira kandidata za XIII. Klasu kadeta kojim bi se trebalo primiti još 150 policijskih službenika (25 u činu mlađi inspektor i 125 u činu policajac).

Međutim, i pored navedenog, a s obzirom na aktuelno stanje u oblasti nezakonitih migracija, konstantno povećanje prometa putnika i prevoznih sredstava preko graničnih prelaza, otvaranje novih graničnih prelaza, a time i povećanje obima poslova, jasno je da trenutni ljudski kapaciteti GP BiH nisu na potrebnom nivou za efikasno i potpuno izvršavanje poslova granične kontrole i drugih poslova iz nadležnosti GP BiH, o čemu je GP BiH više puta informisala više nivoe vlasti.

Kontinuirano preduzimanje mjera u cilju maksimalnog angažmana kadrovskih, organizacionih i materijalno tehničkih kapaciteta u funkciji efikasnog izvršavanja propisanih nadležnosti GP BiH biće nastavljeno i u narednom periodu, ali je upitno u kojoj mjeri je u trenutnim okolnostima i trenutnim kapacitetima moguće organizovati rad na način da se u potpunosti i efikasno izvršavaju svi poslovi koji su dati u nadležnost GP BiH, odnosno u kojoj mjeri će biti moguće ispuniti očekivanja koja od GP BiH imaju druge institucije, tijela i javnost u Bosni i Hercegovini, prije svega u pogledu brzine protoka saobraćaja preko graničnih prelaza.

S tim u vezi, potrebno je naglasiti da je, u cilju rješavanja navedenih problema, GP BiH u prethodnom periodu blagovremeno i višekratno upozoravala na navedenu problematiku, te kontinuirano Ministarstvu sigurnosti BiH i drugim nadležnim tijelima u Bosni i Hercegovini dostavljala konkretne prijedloge usmjerene na rješavanje navedenog problema i osiguranja dodatnog broja policijskih službenika uključujući, pored ostalog, i sljedeće prijedloge:

- Da se provedu neophodne aktivnosti na usvajanju novog Pravilnika o unutrašnjoj organizaciji GP BiH, koji predviđa značajno povećanje broja policijskih službenika. Napominjemo da je Granična policija BiH izradila i na daljnju proceduru usvajanja Ministarstvu sigurnosti BiH do sada uputila tri Pravilnika o unutrašnjoj organizaciji (2018., 2020. i 2024. godine);
- Da se razmotri mogućnost da se osigura povećanje broja policijskih službenika drugih policijskih agencija u Bosni i Hercegovini (DKPT i SIPA) za angažovanje kao ispomoć GP BiH u obavljanju poslova nadzora granice (kontinuirano od septembra 2021. godine);
- Da se izmijene određeni zakonski i podzakonski akti (prije svih Zakon o policijskim službenicima BiH) kako bi se omogućilo produženje rada policijskih službenika u policijskom organu i nakon sticanja uslova za prestanak radnog odnosa po osnovu penzionisanja (kontinuirano od januara 2022. godine);
- Da se ubrzaju aktivnosti na donošenju novog Programa bezbjednosti civilnog vazduhoplovstva Bosne i Hercegovine, te da se u okviru tih aktivnosti što hitnije izvrši prenos nadležnosti za obavljanje poslova protivdiverzionog pregleda putnika i ručnog (kabinskog) prtljaga sa Granične policije BiH na aerodromske operatere čime bi se dobio veći broj policijskih službenika za vršenje poslova nadzora granice i graničnih provjera (kontinuirano od augusta 2022. godine);
- Da se izmijene određeni zakonski i podzakonski akti (prije svih Zakon o policijskim službenicima BiH) kako bi se omogućilo vanredno angažovanje policijskih službenika uz plaćanje prekovremenog rada (kontinuirano od oktobra 2023. godine);
- Da se pokrene inicijativa za izmjenu Zakona o međunarodnoj pravnoj pomoći u krivičnim stvarima kako bi se propisivanjem nadležnosti izvršenja poslova ekstradicija i transfera osuđenih lica Direkciji za koordinaciju policijskih tijela BiH ili nadležnoj sudskoj policiji u BiH osigurao dodatni broj policijskih službenika Granične policije BiH (kontinuirano od 2023. godine);
- Da se izmijene određeni zakonski i podzakonski akti (prije svih Zakon o policijskim službenicima BiH) kako bi se omogućilo trajni eksterni premještaj ili

zapošljavanje policijskih službenika iz drugih policijskih tijela u Bosni i Hercegovini (3 kvartal 2024. godine);

- Da se, u saradnji sa Agencijom za školovanje i stručno usavršavanje kadrova, razmotri mogućnost proširivanja kadrovskih i drugih kapaciteta Agencije u smislu povećanja broja kadeta koji istovremeno pohađaju školovanje, a sve u cilju ubrzanja procesa školovanja kadeta, a što bi pod pretpostavkom redovnog planiranja i okončanja procedura prijema kadeta ubrzalo i popunu organizacionih jedinica GP BiH;
 - Da se poduzmu dodatni napori u cilju realizacije započetih ili novih projekata usmjerenih na jačanje materijalnih kapaciteta GP BiH za borbu protiv nezakonitih migracija i drugih oblika prekograničnog kriminala kroz opremanje specijalističkom opremom za nadzor granice i vršenje graničnih provjera(kontinuirano);
2. Kako bi se što uspješnije borili sa nezakonitim migracijama i svim oblicima prekograničnog kriminaliteta, GP BiH je učestvovala i kontinuirano učestvuje, u aktivnostima identifikacije i zaprečavanja mjesta pogodnih za nezakonite prelaskе državne granice, što predstavlja jednu u nizu metoda koje doprinose efikasnijem nadzoru državne granice. Tako je u periodu od 2008. do 2024. godine od strane nadležnih organa Bosne i Hercegovine i susjednih zemalja (Republika Hrvatska, Republika Srbija, Crna Gora) realizovano zaprečavanje više od 170 identifikovanih mjesta pogodnih za nezakoniti prelazak državne granice između BiH i susjednih zemalja, pri čemu još jednom naglašavamo da se radi o kontinuiranim aktivnostima predviđenim Zakonom o graničnoj kontroli.

Pored navedenog, Granična policija BiH ulaže dodatne napore da osigura nadzor svih identifikovanih mjesta mogućeg nezakonitog prelaska državne granice, kako kroz samostalне aktivnosti, kao što su patrolna djelatnost i sektorski rad, tako i kroz zajedničke aktivnosti sa policijskim službenicima drugih policijskih agencija u BiH sa kojim Granična policija BiH ima potpisane sporazume o saradnji kao što su provođenje zajedničkih patrola i operativnih akcija. Također, GP BiH kontinuirano provodi protokole o provođenju mješovitih patrola sa svim susjednim zemljama u cilju zaštite zajedničke državne granice. Provođeci mjere i zadatke u nadzoru granice, policijski službenici kontinuirano vrše i obilazak lokacija na kojim su postavljene zapreke u cilju uvida u stanje istih, odnosno da li iste i dalje efikasno služe svrsi za koju su namijenjene, te se u skladu sa zatečenim stanjem predlaže postavljanje novih ili obnavljanje već postavljenih zapreka. Tako je tokom 2023. godine izvršeno je dodatno zaprečavanje već postavljenih zapreka na državnoj granici između Bosne i Hercegovine i Crne Gore na području djelovanja Jedinice granične policije Hum-Foča i između Bosne i hercegovine i Republike Srbije na području djelovanja Jedinice granične policije Višegrad.

3. Naslovno na postupanja u vezi člana 44. Zakona o policijskim službenicima BiH, od 1.1.2022. godine do dana sačinjavanja ovog ogovora, realizovana su dva interna oglasa za popunjavanje upražnjenih radnih mjesta policijskih službenika u čin mladi inspektor:
- Interni oglas od 11.5.2021. godine, kojim je oglašeno sedam radnih mjesta, realizovan je 1.7.2022. godine, kada je popunjeno jedno radno mjesto.
 - Interni oglas od 1.6.2022. godine, kojim je oglašeno osam radnih mjesta, realizovan je 24.11.2022. godine, kojim je popunjeno svih osam radnih mjesta.

Kao što vam je poznato, Odlukom Vijeća ministara BiH („Službeni glasnik BiH“, broj 61/20) utvrđen je Plan prijema kadeta u policijskim agencijama na nivou institucija BiH u 2020. godini, te je GP BiH odobren prijem od 300 kadeta, 250 u činu policajac i 50 u činu mlađi inspektor (XI. i XII. klasa kadeta GP BiH). Sredstva za finansiranje troškova osnovne obuke ovih kadeta u iznosu od 2.250.000 KM obezbjeđena su od strane Evropske komisije u sklopu projekta pomoći BiH u upravljanju migracijama „IPA Special measure III“.

Javni oglas za XI. klasu kadeta objavljen je 23.11.2020. godine, a popuna radnih mjesta ove klase kadeta u činu mlađi inspektor (ukupno 22 kadeta), realizovana je 01.03.2024. godine.

Javni oglas za XII. klasu kadeta objavljen je 14.10.2023. godine, a popuna radnih mjesta ove klase kadeta u činu mlađi inspektor biće realizovana 01.03.2025. godine, budući da se 25 kadeta nalaze na pohađanju Osnovne obuke od 02.09.2024. godine.

Također, Odlukom Vijeća ministara BiH („Službeni glasnik BiH“, broj 81/22), utvrđen je Plan prijema kadeta u policijskim agencijama na nivou institucija BiH u 2020. godini, te je Graničnoj policiji BiH odobren prijem od 150 kadeta (125 u činu policajac i 25 u činu mlađi inspektor - XIII. klasa kadeta GP BiH). Izbor ove klase kadeta je u toku, po Javnom oglasu koji je objavljen 11.09.2024. godine.

Dakle, za oglašavanje radnih mjesta u činu „Mlađi inspektor“, prema donesenim odlukama Vijeća ministara BiH, bilo je neophodno imati upražnjena radna mjesta, tako da je unapređenje policijskih službenika u skladu sa članom 44. Zakona o policijskim službenicima BiH planirano za naredni period i u odnosu na ove Odluke.

4. U vezi pitanja koje se odnosi na postupanje prema policijskim službenicima za koje postoji sumnja da su uzeli i/ili uzimaju novac prilikom zapošljavanja i unapređenja, želimo ukazati da je GP BiH jasno opredjeljena i podržava svaki vid sprečavanja koruptivnih aktivnosti u vlastitim redovima. S tim u vezi informišemo vas da je u slučaju koji navodite, od strane našeg Ureda za profesionalne standarde i unutrašnju kontrolu, proveden interni postupak protiv tada policijskih službenika GP BiH Raković Rejhana i Salčinović Ensara, u vezi sa koruptivnim ponašanjem prilikom izbor kandidata-kadeta XI klase GP BiH, po Javnom oglasu za prijem kadeta u činu "Mlađi inspektor" i u činu "Policajac" Granične policije BiH broj: 17-06-1-34-11-9536/20 od 19.11.2020. godine. Gdje je istima 2022. godine u disciplinskom postupku od strane disciplinske komisije za policijske službenike GP BiH izrečena disciplinska sankcija prestanak radnog odnosa. Također, u vezi sa navedenim, poznato nam je, da je u krivičnom postupku koji se vodio pred nadležnim sudom, Raković Rejhan proglašen krivično odgovornim i izrečena mu je kazna zatvora.

Dalje, Ured za profesionalne standarde i unutrašnju kontrolu je provodio interni postupak i protiv policijskog službenika Sabljo Ivica, zbog sumnji u vezi sa zloupotrebom položaja prilikom izbor kandidata-kadeta XI klase Granične policije BiH, gdje je isti u disciplinskom postupku 2022. godine od strane Disciplinske komisije za policijske službenike GP BiH oslobođen disciplinske odgovornosti za prijavljenu povredu službene dužnosti. Također, nakon okončanja disciplinskog postupka, isti je u krivičnom postupku koji se vodio pred nadležnim sudom, u vezi sa navedenim proglašen odgovornim u krivičnom postupku, gdje mu je izrečena uvjetna osuda i novčana kazna.

5. U pogledu pitanja koji se odnosi na policijske službenike koji su raspakovali prvu aplikaciju SKAY 2019, obaviještavamo vas da naš Centralni istražni ured i Ured za profesionalne standarde i unutrašnju kontrolu nema zaprimljenih prijava, odnosno nisu provodili radnje iz svoje mjerodavnosti koje se odnose na policijske službenike koji su navodno "mobingovani" od strane bilo koga u GP BiH u vezi sa postupanjem u ovom slučaju. S tim u vezi, Ured za profesionalne standarde i unutrašnju kontrolu provodio je interni postupak protiv dvije policijske službenice i jednog policijskog službenika GP BiH, zbog nepostupanja po naređenju njima nadređenog policijskog službenika i odbijanja ustupanja dokumentacije mjerodavnom tužitelju Tužilaštva BiH u vezi sa podacima iz tkz. "SKAY Aplikacije" kojom su raspolagali u službene svrhe, u kojoj dokumentaciji su se nalazi i podaci koji su ukazivali i na moguću uključenost između ostalog i tih policijskih službenika u nezakonite radnje. Zbog nepostupanja po naredbi njima nadređenog policijskog službenika u vezi sa zahtjevom mjerodavnog tužitelja Tužilaštva BiH za ustupanje i dostavu službene dokumentacije Tužilaštvu BiH, navedeni policijski službenici su od strane disciplinske komisije za policijske službenike GP BiH proglašeni odgovornim i sankcionisani u disciplinskom postupku. Nakon provedenog postupka po žalbi, Odbor za žalbe policijskih službenika potvrdio je izrečenu disciplinsku sankciju. Odlukom direktora GP BiH početkom 2023. godine navedeni policijski službenici su raspoređeni na druge poslove i zadatke u druge organizacione jedinice u Glavnom uredu GP BiH u Sarajevu. Potrebno je reći da su predmetni policijski službenici od 2019. godine do 2022. godine, koliko su bili u Centralnom Istražnom uredu bili u izuzetno dobrim odnosima sa bivšim rukovodstvom.
6. Potvrđujemo da je u 2023. godini, u odnosu na 2022. godinu evidentiran pad u broj izvještaja o počinjenom krivično djelu, kao i broj otkrivenih krivičnih djela, kako je navedeno u dopisu. Isto tako Centralni istražni ured je 2021. godine u odnosu na 2020. godinu zabilježio pad broja službenih izvještaja za 36 procenata, odnosno, pad evidentiranih otkrivenih krivičnih djela za 27 procenata, što znači da su se i u ranijem periodu dešavalo da se evidentira smanjen broj podnesenih izvještaja i krivičnih djela. Jedan razlog smanjenja broja podnesenih izvještaja i otkrivenih krivičnih djela za 2023. godinu su smanjen broj policijskih službenika koji su radili u Centralnom istražnom uredu. Drugi razlog je što se u 2023. godine Centralni istražni ured, za razliku od prethodnih godina, fokusirao na realizaciju operativnih akcija uz korištenje posebnih istražnih radnji, gdje je tokom 2023 godine provedeno šest operativnih akcija zavedenih po osnovu provođenja posebnih istražnih radnji propisanih članom 116. ZKP BiH, a za koje je podnesen samo po jedan službeni izvještaj za više pojedinačnih događaja koji su dokumentovani u tim predmetima, a kojim je obuhvaćeno ukupno 32 lica, kodnih naziva "Barbados", "Sava", "BOX", "Štek", "Piramida" i "Spajder". Pored toga u periodu od 1.1.2023. godine do 15.11.2023. godine provedene su službene radnje u okviru četiri predmeta zavedena po osnovu podataka dobijenih iz SKY Aplikacije kojima je obuhvaćeno 17 osoba. Tokom 2022. godine Centralni istražni ured proveo je tri operativne akcije zavedene po osnovu provođenja posebnih istražnih radnji propisanih članom 116. ZKP BiH, kodnih naziva "Sava", "Insajder" i "Zapad". Smatramo da predmeti koji su rađeni za krivična djela organizovanog kriminala uz korištenje posebnih istražnih radnji, kao i izvještaji po predmetima iz SKY aplikacija, nose veću "specifičnu težinu" o odnosu na pojedinačne slučajeve, koji istina, predstavljaju bolje statističke podatke.

7. Poslove iz svoje nadležnosti GP BiH izvršava na 87 graničnih prelaza [60 međunarodnih graničnih prelaza (od kojih jedan novoizgrađeni funkcioniše kao privremeni granični prelaz) i 27 graničnih prelaza za pogranični promet], gdje je tek nekih 20% izgrađeno ili ispunjavaju uslove propisane Pravilnikom o standardima i uslovima izgrađenosti i opremljenosti graničnih prelaza ("Službeni glasnik BiH" broj: 43/17).

Bitno je napomenuti da je u skladu sa članom 14. stav (1) Zakona o graničnoj kontroli ("Službeni glasnik BiH" broj 53/09, 54/10 i 47/14), Uprava za indirektno oporezivanje BiH nadležna za poslove izgradnje, dogradnje, rekonstrukcije, upravljanja i održavanja objekata i infrastrukture na cestovnim graničnim prelazima.

S tim u vezi, u prvom kvartalu ove godine urađena je detaljna analiza stanja postojeće infrastrukture na svim graničnim prelazima, kao i u sjedištima lokalnih organizacionih jedinica. Navedenom analizom se može zaključiti da određena neophodna infrastruktura ne postoji ili je u veoma lošem stanju na velikom broju graničnih prelaza (kako pograničnim tako i međunarodnim), odnosno istaknut je problem održavanja, dogradnje ili rekonstrukcije istih, što u konačnici u mnogome otežava rad pripadnika naše agencije. Postojeća infrastruktura u mnogome i nezadovoljava osnovne uslove za normalno odvijanje poslovnih procesa i samog boravka službenika za vrijeme radnog vremena (nedostatak sanitarnih čvorova, pitke vode, nadstrešnica, zaustavnih rampi, adekvatne rasvjete, agregata, i dr.). Također, određen broj graničnih prelaza za pogranični promet se u vrijeme turističke sezone ili usljed opravdanih zahtjeva od strane nadležnog tijela prekategorije u granične prelaze otvorene za međunarodni promet, što stvara dodatne potrebe, te samim time otežava normalno funkcionisanje graničnog prelaza, odnosno vršenja poslova graničnih provjera. Ujedno koristimo priliku da vas informišemo, da je granični prelaz Hum u skladu sa međunarodnim sporazumom predviđen kao granični prelaz na zajedničkoj lokaciji na teritoriji Crne Gore, čija izgradnja se očekuje u narednom periodu.

Imajući u vidu prednje navedeno, GP BiH se u prethodnim periodima (posljednji akti od 18.3.2024. godine i 31.7.2024. godine), u više navrata kontinuirano obraćala Upravi za indirektno oporezivanje BiH da preduzmu aktivnosti na rješavanju predmetne problematike, kako bi se stvorili svi infrastrukturni uslovi za neometan rad na svim graničnim prelazima uključujući i sam boravak ovlaštenih osoba.

8. Što se tiče potpisivanja Kolektivnog ugovora, nije moguće u ovom momentu dati precizan rok kada bi isti mogao biti potpisan, ali naglašavamo da rukovodstvo Granične policije BiH podržava aktivnosti na usaglašavanju i potpisivanju istog.